

# Majlis Bersama Alumni & Pelancaran Chapter Alumni UMS: Zon Lembah Kelang

“Majlis Bersama Alumni & Pelancaran Chapter Alumni UMS: Zon Lembah Kelang” telah berjaya dilancarkan pada 07 Disember 2012 bertempat di Hotel Seri Pacific, Kuala Lumpur. Majlis tersebut terbuka kepada semua Alumni UMS yang bergraduat dari tahun 1999 hingga 2012 dan ternyata mendapat sambutan yang baik oleh Alumni-alumni yang berada di sekitar Kuala Lumpur. Seramai kira-kira 100 orang Alumni telah memberi sokongan dan turut dihadiri oleh Y.Brs. Dr. Hj. Mohd Kassim Hj. Mohd Ibrahim, Ahli Lembaga Pengarah Universiti (LPU) Alumni, dan dirasmikan oleh Y.Bhg. Prof. Madya Datuk Dr. Kasim Hj. Md. Mansur, Timbalan Naib Canselor, HEPA mewakili bagi pihak Y.Bhg. Prof. Datuk Dr. Mohd Harun Abdullah, Naib Canselor UMS. Turut

menjayakan majlis pelancaran tersebut ialah Y.Brs. Lt. Kol Bersekutu (PA) Prof. Madya Dr. Mahmud Hj. Sudin selaku pengarah Pusat Alumni UMS bersama kakitangan.

Antara objektif pelancaran Chapter tersebut adalah usaha untuk menghimpunkan Alumni UMS agar jalinan hubungan dan rangkaian bekas pelajar UMS tetap kukuh dan terus berkembang sejajar dengan pertambahan bilangan Alumni setiap tahun khususnya selepas majlis konvokesyen UMS. Ianya juga memberi ruang dan peluang kepada Alumni untuk berorganisasi dan bernaung di bawah universiti disamping sebagai pendekatan bagi Pusat Alumni untuk mengemaskini

data dan maklumat berkaitan Alumni UMS.

Pengisian yang amat bermakna bagi para Alumni sempena majlis tersebut adalah sesi “Citra Karisma” oleh Alumni UMS yang didahului oleh ahli LPU sendiri. Dalam sesi ini, semua Alumni yang hadir diberi peluang untuk berkongsi pengalaman suka dan duka semasa belajar di UMS serta perjuangan mereka setelah mengharungi era kerjaya masing-masing. Melalui slot ini, perkongsian idea dan pendapat di antara Alumni juga dapat dijana secara tidak langsung dapat mencoret catatan sejarah bagi mereka sebagai Alumni yang sentiasa mengangkat jenama UMS di serata tempat.

Dalam majlis tersebut, ucapan tahniah diucapkan kepada Sdra. Mohammad Syafiq Ridzwan Bin Jamaluddin di atas pelantikan sebagai Ketua Chapter Alumni UMS: Zon Lembah Kelang melalui undian majoriti oleh Alumni yang hadir. Semoga pelantikan tersebut merupakan titik mula bagi semua Alumni untuk terus bersama-sama memperkasa alma mater (UMS) dengan slogan “UMS: Jauh Dimata, Sentiasa Dihati”. Akhir sekali, para Alumni berkesempatan mengambil gambar bersama tetamu kehormat dan kakitangan Pusat Alumni UMS.

